

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Naalakkersuisunut ilaasortap Jens B. Frederiksen-ip oquk patsisaalluni pisattaminik taarsiisariaqalersimaneranut tunngatillugu aningaasat attartortumut pineqartumut tunniussat annertussusaat naleqquppaat?**
- 2. Inissianik attartortut allat oqummik ajornartorsiuteqarnertik pillugu pisattaminik eqqornerlunneqarsimasut qassit taarsiivigitinnissaminnik ukiuni kingullerni tallimani qinnuteqarsimappat?**
- 3. Qinnuteqartunik taakkunannga qassit taarsiivigitinneqarpat, aningaasallu katillugit qanoq amerlatigisut taarsiinermut atorneqarpat?**
- 4. Qinnuteqartunik taakkunannga qassit itigartinneqarsimappat? Itigartitsinernullu suut patsisaasimappat?**

(Karl Lyberth, Siumut)

Tunngavilersuut:

Tusagassiutinit allaaserineqarpoq Naalakkersuisunut ilaasortaq Jens B. Frederiksen A/S INI-p inissiaataani najugaqartilluni pisatai oqummik sunnerneqarsimaneri pissutigalugit 60.000 kr.-nit pallillugit taarsiivigineqarsimasoq. Paaserusunnarpoq tamanna pissusissamisoornersoq.

Ilanngullugu paaserusuppara ukiuni kingullerni tallimani attartortut qassit Jens B. Frederiksen-ituulli ajornartorsiuteqarlutik taarsiiffigitinnissaminnik qinnuteqarsimanersut. Taakkunannga qassit akuerineqarsimanersut itigartinneqarsimanersullu ilanngullugu paaserusunnarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.